

**FRAMKVÆMDARÁKVÖRÐUN FRAMKVÆMDASTJÓRNARINNAR  
(ESB) 2015/646****2015/EES/74/85****frá 23. apríl 2015****skv. 3. mgr. 3. gr. reglugerðar Evrópuþingsins og ráðsins (ESB) nr. 528/2012 um bakteríuræktanir sem eru ætlaðar til að draga úr lífrænum föstum efnum og sem á að setja á markað í því skyni (\*)**

FRAMKVÆMDASTJÖRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 528/2012 frá 22. maí 2012 um að bjóða sæfivörur fram á markaði og um notkun þeirra <sup>(1)</sup>, einkum 3. mgr. 3 gr.,*og að teknu tilliti til eftirfarandi:*

- 1) Hinn 1. apríl 2014 fór Írland fram á að framkvæmdastjórnin tæki ákvörðun, skv. 3. mgr. 3. gr. reglugerðar (ESB) nr. 528/2012, um hvort tvær vörur, sem samanstanda af bakteríuræktunum sem eru ætlaðar til að draga úr lífrænum föstum efnum og sem á að setja á markað í því skyni, séu sæfivörur að því er varðar a-lið 1. mgr. 3. gr. þeirrar reglugerðar.
- 2) Samkvæmt veittum upplýsingum leysir fyrri varan upp lífræna eðju, dregur úr innihaldi brennisteinsvetnis og ammoníaksköfnunarefnis og hreinsar vatn í tjörnum og lónum og síðari varan hraðar líffræðilegri oxun lífræns úrgangs í föstu formi og líffræðilegu, lífrænu niðurbroti, eykur loftháða niðurbrotsgetu, dregur úr lífrænni botneðju í stöðuvötnum, tjörnum og skólpkerfum og dregur úr myndun gaslyktar.
- 3) Sem aukaverkun draga þessar vörur úr myndun þörungna í vatnshlotum en þær eru ekki ætlaðar í þeim tilgangi og ekki hefur verið fullyrt að hægt sé að nota þær í því skyni.
- 4) Samkvæmt a-lið 1. mgr. 3. gr. reglugerðar (ESB) nr. 528/2012 teljast einungis vörur, sem er ætlað að eyða skaðlegum lífverum, bægjja þeim frá, gera þær skaðlausar, koma í veg fyrir áhrif þeirra eða halda þeim með öðrum hætti í skefjum með aðferðum sem eru ekki eingöngu eðlisfræðilegar eða vélrænar, til sæfivara.
- 5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um sæfivörur.

SAMÞYKKT ÁKVÖRÐUN ÞESSA:

*1. gr.*

Bakteríuræktanir, sem eru ætlaðar til að draga úr lífrænum föstum efnum, skulu settar á markað í þeim tilgangi og hafa einungis þá aukaverkun að þær draga úr myndun þörungna í vatnshlotum og eru ekki ætlaðar í því skyni, eru ekki sæfivörur að því er varðar a-lið 1. mgr. 3. gr. reglugerðar (ESB) nr. 528/2012.

*2. gr.*Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 23. apríl 2015.

*Fyrir hönd framkvæmdastjórnarinnar,*

Jean-Claude JUNCKER

*forseti.*

(\*) Þessi ESB-gerð birtist í Stjtið. ESB L 106, 24.4.2015, bls. 79. Hennar var getið í ákvörðun sameiginlegu EES-nefndarinnar nr. 214/2015 frá 25. september 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 167, 27.6.2012, bls. 1.